

Izveštaj o radu Uprave policije MUP-a Kantona Sarajevo za mjesec mart 2020. godine

KRIMINALITET

STATISTIČKI POKAZATELJI

U mjesecu martu 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 346 događaja sa obilježjem krivičnog djela (što je 25 ili 7,8% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 154 ili 44,5% je evidentirano po poznatom izvršiocu, a 192 ili 55,5% po nepoznatom izvršiocu.

Od ukupno 192 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 60 ili 31,3% (što je za 14,5% manje u odnosu na uporedni mjesec) od čega su 32 događaja evidentirana u mjesecu martu, a 28 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 228 obavijesti (jedna više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU MARTU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
MART 2020. GODINE	346	154	192	60	28	200	4	99	69
MART 2019. GODINE	321	164	157	72	35	226	5	141	113
<i>uporedba</i>	25 7,8%	-10 -6,1%	35 22,3%	-12 -16,7%	-7 -20%	-26 -11,5%	-1 -20%	-42 -29,8%	-44 -38,9%

U toku mjeseca marta ove godine prijavljeno je 200 lica (26 manje), 99 povratnika (42 manje) (ili 49,5% od ukupnog broja prijavljenih lica), četiri maloljetnika (jedan manje), a 69 lica je lišeno slobode (44 manje).

Za događaje sa obilježjem krivičnog djela, koji su evidentirani u mjesecu martu 2020. godine, prema izjavama oštećenih lica, nastupila je materijalna šteta u ukupnom iznosu od 2.248.229,19 KM.

**TABELARNI PREGLED DOGAĐAJA SA OBIJEŽJEM KRIVIČNOG DJELA U MJESECU MARTU 2020/19. GODINE
NA PODRUČJU KANTONA SARAJEVO PREMA KRIVIČNOM ZAKONU FBIH-a I KZBIH-a**

KZ FBIH-a i KZ BiH-a	MART 2020. GODINE	MART 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
PROTIV ŽIVOTA I TIJELA	11	18	-7	-38,9%	8	3	1	33,3%
PROTIV SLOBODE I PRAVA ČOVJEKA I GRAĐ.	13	16	-3	-18,8%	10	3	3	100%
PROTIV SPOLNE SLOBODE I MORALA	1	2	-1	-50%	1	0	0	---
PROTIV BRAKA, PORODICE I MLADEŽI	18	17	1	5,9%	18	0	0	---
PROTIV ZDRAVLJA LJUDI	38	54	-16	-29,6%	38	0	0	---
PROTIV PRIVREDE, POSLOVANJA I SIG. PLAT.	0	3	-3	---	0	0	0	---
PROTIV IMOVINE	204	175	29	16,6%	24	180	55	30,6%
PROTIV OPĆE SIGURNOSTI LJUDI I IMOVINE	8	15	-7	-46,7%	2	6	0	0%
PROTIV SIGURNOSTI JAVNOG PROMETA	6	8	-2	-25,0%	6	0	0	---
PROTIV PRAVOSUĐA	2	0	2	---	2	0	1	---
JAVNOG REDA I PRAVNOG PROMETA	39	5	34	680%	39	0	0	---
PROTIV PODMIĆIVANJA I KD PROTIV SL. I DR.	3	1	2	200%	3	0	0	---
PROTIV SISITEMA ELEKTRONSKE OBRADE PODATAKA	0	1	-1	---	0	0	0	---
PROTIV ČOVJEČNOSTI I VRIJEDNOSTI ZAŠTIĆENIH MEĐ. PRAVOM (KZ BiH)	1	0	1	---	1	0	0	---
ZONDINOIM-a (Sl.novine KAN. Sarajevo br.01/18)	2	6	-4	-66,7%	2	0	0	---
UKUPNO	346	321	25	7,8%	154	192	60	31,3%

U mjesecu martu 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 25 ili 7,8%. Najznačajnija povećanja su zabilježena u oblastima protiv javnog reda i pravnog prometa (za 34 događaja) i imovine (za 29), itd., dok su smanjenja evidentirana u oblastima protiv zdravlja ljudi (za 16 događaja), života i tijela (za sedam), opće sigurnosti ljudi i imovine (za sedam), itd.

PREGLED DOGAĐAJA SA OBIJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom marta 2020. godine evidentirano je 11 događaja sa obilježjem krivičnog djela iz oblasti protiv života i tijela (sedam manje u odnosu na mart 2019. godine) i to osam po poznatom i tri po nepoznatom izvršiocu. Evidentirani su slijedeći događaji:

- ubistvo (član 166. KZ FBiH) - jedan (nije bilo ovih događaja),
- ubistvo u pokušaju (član 166. KZ FBiH u vezi člana 28.) - jedan (nije bilo ovih događaja),
- teška tjelesna ozljeda (član 172. KZ FBiH) – jedan (tri manje) i
- lahka tjelesna ozljeda (član 173. KZ FBiH) – osam događaja (šest manje).

Nadležnom tužilaštvu podneseni su službeni izvještaji protiv devet lica, od koji je šest povratnika ili 66,7%, a dva su lišena slobode.

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 13 događaja sa obilježjem krivičnog djela (tri manje) i to: ugrožavanje sigurnosti – 11, narušavanje nepovredivosti doma i neovlašteno optičko snimanje - po jedan, za čije je izvršenje evidentirano 15 lica, od kojih je pet povratnika (ili 33,3%), a dva su lišena slobode.

Događaji sa obilježjem krivičnog djela ugrožavanja sigurnosti izvršiocu su upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu martu evidentirano je 18 događaja sa obilježjem krivičnog djela (jedan više) i to - nasilje u porodici, za čije izvršenje je prijavljeno 17 lica, od kojih je osam povratnika (ili 47%), a deset lica je lišeno slobode.

PROTIV ZDRAVLJA LJUDI

Evidentirano je 38 događaja sa obilježjem krivičnog djela iz oblasti protiv zdravlja ljudi (16 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 36.

Nadležnom tužilaštvu podneseni su službeni izvještaji protiv 38 lica, među kojima su 23 povratnika (ili 60,5%), a 16 lica je lišeno slobode.

PREGLED ODUZETE KOLIČINE OPOJNIH DROGA U MJESECU MARTU 2020/19. GODINE

vrsta opojne droge	MART 2020. godine	MART 2019. godine
Marihuana (paketići)	43	31
Marihuana (u gramima)	51,9	7.265
Amfetamin (u gramima)	35,3	183
Amfetamin (paketići)	16	15
Ecstasy (tablete)	---	8
Speed (u gramima)	8,2	---
Pribor sa ostacima droge	8	15

PROTIV IMOVINE

U ovom mjesecu, evidentirana su 204 događaja sa obilježjem krivičnog djela protiv imovine (24 po poznatom i 180 po nepoznatom izvršiocu) što je za 29 ili 16,6% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 96 (10 više),
- krađa (član 286. KZ FBiH) – 55 (27 više),
- razbojništvo (član 289. KZ FBiH) – 23 (devet manje),
- oštećenje tuđe stvari (član 293. KZ FBiH) – 11 (jedan više),
- prijevarena (član 294. KZ FBiH) - četiri (jedan manje), itd.

Nadležnom tužilaštvu podneseni su službeni izvještaji protiv 59 lica, od kojih je 40 povratnika (ili 67,8%), a 22 su lišena slobode.

Od ukupno 180 događaja evidentiranih po nepoznatom izvršiocu iz oblasti protiv imovine naknadno je rasvijetljeno 55 ili 30,6% što je za 14,2% manje u odnosu na mart 2019. godine.

Tokom mjeseca marta ove godine, prema objektima izvršenja teških krađa, 43 su izvršene u stambene objekte (pet manje u odnosu na uporedni mjesec), 23 u motorna vozila (otuđenja motornih vozila i “provale” u ista) (tri više), 20 u poslovne prostorije (šest više), devet na ulici (šest više), itd.

Takođe, evidentirana su četiri otuđenja motornih vozila od čega su dva ili 50% pronađena i vraćena vlasnicima (Uprava policije MUP-a KS-a pronašla je i vratila oba vozila).

Broj otuđenih motornih vozila u odnosu na uporedni mjesec smanjen je za pet ili 55,6%

Evidentirano je 55 događaja sa obilježjem krivičnog djela krađe (27 više) i to u poslovnim prostorijama – 21 put, na ulici - 14, u vozilima i na stajalištima GRAS-a - 11, u stambenim objektima - pet, itd. odakle su otuđivani novčanici, mobiteli, prehrambeni proizvodi, bicikli, auto-dijelovi, itd.

Evidentirano je sedam događaja sa obilježjem krivičnog djela teških krađa na naročito opasan ili naročito drzak način (dva više), u kojima su izvršiocu, upotrebom fizičke snage (otimanjem i trganjem), otimali mobitele, novac i tašne, a evidentirani su: šest puta na ulici i jedan na tramvajskom stajalištu. Nadležnom tužilaštvu podneseni su službeni izvještaji protiv tri lica povratnika u činjenju krivičnih djela.

U mjesecu martu ove godine evidentirana su 23 događaja sa obilježjem krivičnog djela razbojništva (devet manje). Nadležnom tužilaštvu podneseni su službeni izvještaji protiv sedam lica, od kojih je šest povratnika (ili 85,7%).

Od ukupno 22 događaja razbojništva evidentiranih po nepoznatom izvršiocu, naknadno je rasvijetljeno devet ili 40,9% (što je za 12,3% više u odnosu na uporedni mjesec).

Razbojništva su izvršena prijetnjom upotrebe vatrenog oružja - 19 puta, prijetnjom upotrebe noža ili drugog oštrog predmeta – tri i upotrebom fizičke snage – jednom, a počinjena su u poslovnim prostorijama – 10 puta, u sportskim kladionicama – šest, na ulici – četiri, u apoteci – dva i u pošti - jedno. Otuđivani su mobiteli, novac, nakit, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirano je osam događaja (sedam manje) i to: - izazivanje opće opasnosti – sedam i teška krivična djela protiv opće sigurnosti ljudi i imovine – jedan događaj, a nadležnom tužilaštvu podneseni službeni izvještaji protiv dva lica.

Događaji sa obilježjem krivičnog djela izazivanje opće opasnosti izvršeni su na otvorenom prostoru, pri čemu je otvorenim plamenom izazvan požar. Posljedica izvršenja navedenih događaja je nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirana su 39 događaja sa obilježjem krivičnog djela (34 više) i to: krivotvorenje isprave – 32, nasilničko ponašanje - tri, napad na službenu osobu u vršenju poslova sigurnosti - dva, sprječavanje službene osobe u vršenju službene radnje i skidanje ili povreda službenog pečata ili znaka – po jedan događaj.

Nadležnom tužilaštvu podneseni su službeni izvještaji protiv 39 lica od kojih je devet povratnika (ili 23,1%), a šest je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu martu 2020. godine evidentirana su četiri događaja sa obilježjem krivičnog djela, u kojima su učestvovala četiri maloljetna lica. U odnosu na isti mjesec 2019. godine smanjen je broj maloljetnih lica isto kao i događaja sa obilježjem krivičnog djela za jedan ili 20%.

STAROSNA DOB MALOLJETNIH LICA MART 2020/2019. GODINU

MJESEC	od 14 do 16 god.	od 16 do 18 god.	ukupno
mart 2020. godina	2	2	4
mart 2019. godina	---	5	5

Među prijavljenim maloljetnim licima, po dva su u dobi do 16 godina i između 16 i 18 godina, a dva maloljetnika su povratnici.

STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU MARTU 2020/2019. GODINE

KRIVIČNA DJELA	mart 2020.	mart 2019.
Teška tjelesna ozljeda	---	1
Ugrožavanje sigurnosti	1	---
Razbojništvo	2	1
Lažno prijavljivanje	1	---
Teška krađa u pokušaju	---	1
Utaja	---	1
Nasilničko ponašanje	---	1
UKUPNO	4	5

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca marta 2020. godine na području Kantona Sarajevo evidentiran je jedan događaj aktiviranja minsko-eksplozivnih sredstava (nije bilo u martu 2019. godine) usljed čega je nastupila materijalna šteta. Preduzimaju se aktivnosti na rasvjetljavanju ovog slučaja i pronalaženju učinilaca. Takođe, evidentirane su tri anonimne dojave o postavljenoj eksplozivnoj napravi (pet u martu 2019. godine), a odnosile su se na srednju školu, tržni centar i Općinski sud. Nakon KDZ pregleda utvrđeno je da su dojave bile lažne, a preduzimaju se aktivnosti na rasvjetljavanju ovih događaja i pronalaženju učinilaca.

POŽARI

Tokom mjeseca marta 2020. godine, na području Kantona Sarajevo registrovana su 34 požara (10 više u odnosu na isti mjesec prethodne godine), u kojima je jedno lice poginulo, a četiri lica povrijeđena. Prema statističkim pokazateljima, 19 požara je izazvano namjerno, pet nehatom, dok uzroci 10 požara spadaju u kategoriju ostalih.

Objekti registrovanih požara bili su:

- Saobraćajno sredstvo – pet puta,
- Stambeni objekat – četiri,
- Poslovni prostor – četiri,
- Pomoćni objekat – jednom,
- Ostali objekti – 20 puta.

SAMOUBISTVA

U mjesecu martu 2020. godine na području Kantona Sarajevo registrovano je jedno samoubistvo (tri manje), izvršeno upotrebom oštrog predmeta.

Samoubistvo je izvršila osoba muškog spola starosti 48 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je devet pištolja, jedna automatska puška, dva noža i 435 komada municije raznog kalibra.

Tokom mjeseca marta ove godine fizičkim licima izdato je 45 odobrenje za nabavku vatrenog oružja i 52 oružna lista.

JAVNI RED I MIR

U toku mjeseca marta 2020. godine u oblasti protiv javnog reda i mira evidentirano je **637 prekršaja** (267 ili 72,2% više u odnosu na isti mjesec 2019. godine), a za izvršenje navedenih prekršaja prijavljeno je **641 lice** (256 ili 66,5% više).

Zbog učinjenih prekršaja u oblasti protiv javnog reda i mira izdato je 594 naloga i podnesena su 43 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 603 prekršaja (ili 94,7%), a na prekršaje koji su utvrđeni Odlukom općinskih vijeća o javnom redu i miru 34 ili 5,3%.

Od ukupnog broja prijavljenih lica, 82 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (298), između 26 i 35 godina (202) i 19 i 25 godina (141).

Prilikom narušavanja javnog reda i mira u mjesecu martu 2020. godine, nije bilo teže povrijeđenih lica (kao ni u istom mjesecu 2019. godine), dok je jedno lice (šest manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA
ZA MJESEC MART 2020/2019.GODINA

PREKRŠAJI IZ ZAKONA O JRIM:	mart 2020.	mart 2019.	+ - %
-Tuče	11	19	-8 ili 42,1%
-Naročito drsko ponašanje	61	29	+32 ili 110,3%
-Odbijanje naređenja i omalovaž. pol. služb.	230	31	+199 ili 641,9%
-Prosjačenje	99	190	-91 ili 47,9%
-Svađa, vika, nepristojno ponašanje	4	8	-4 ili 50%
-Ostali prekršaji iz Zakona o JRiM	198	39	+159 ili 407,7%
Prekršaji prema Odluci općinskog vijeća o JRiM	34	54	-20 ili 37%
Ukupno	637	370	+267 ili 72,2%

Prema vrsti prekršaja, najbrojniji su sljedeći prekršaji: odbijanje naređenja i omalovažavanje policijskih službenika (230 ili 36,1% od ukupnog broja), prosjačenje (99 ili 15,5%), naročito drsko ponašanje (61 ili 9,6%), tuče (11 ili 1,7%) i svađa, vika, nepristojno ponašanje (četiri ili 1%). Takođe, evidentirano je 198 prekršaja iz kategorije ostali prekršaji i 34 prekršaja koji su regulisani Odlukom općinskih vijeća.

U odnosu na isti mjesec 2019. godine znatno je povećan broj prekršaja učinjenih odbijanjem naređenja i omalovažavanjem policijskih službenika za 199 ili 641,9%, zatim naročito drskim ponašanjem za 32 ili 110,3% i ostali prekršaji iz Zakona o JRiM za 159 ili 407,7%, dok je smanjen broj prekršaja učinjenih prosjačenjem za 91 ili 47,9%, tučom za 8 ili 42,1%, svađom, vikom, nepristojnim ponašanjem za 4 ili 50% i prekršaji prema Odluci općinskog vijeća o JRiM za 20 ili 37%.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (600 ili 94,2%), a znatno manje u ugostiteljskim objektima (15 ili 2,3%), u trgovinskim i zanatskim radnjama (dva), u školama i školskim dvorištima (jedan), a na ostalim mjestima 19 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU
IZVRŠENJA ZA MJESEC MART 2020/2019. GODINE

MJESTO IZVRŠENJA	mart 2020.	mart 2019.	+ - %
Ugostiteljski objekti	15	11	+4 ili 36,4%
Ulice i drugi otvoreni prostori	600	336	+264 ili 78,6%
Vozila javnog saobraćaja	---	---	---
Sportski stadioni i dvorane	---	3	-3
Škole i školska dvorišta	1	2	-1 ili 50%
Trgovine i zanatske radnje	2	1	+1 ili 100%
Ostala mjesta	19	17	+2 ili 11,8%
UKUPNO	637	370	+267 ili 72,2%

U odnosu na isti mjesec 2019. godine, znatno je povećan broj prekršaja evidentiranih na ulicama i drugim otvorenim prostorima za 264 ili 78,6%, u ugostiteljskim objektima za 4 ili 36,4%, u trovinskim i zanatskim radnjama za 1 ili 100% i na ostalim mjestima za 2 ili 11,8%, dok je smanjen broj prekršaja na sportskim stadionima i dvoranama za 3 i u školama i školskim dvorištima za 1 ili 50%.

Na području Kantona Sarajevo u mjesecu martu 2020. godine održano je 65 javnih skupova (206 ili 76% manje u odnosu na mjesec mart 2019. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u 11 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu martu 2020. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i nastradalim licima i broj nastradalih lica.

Registровано je 559 saobraćajnih nezgoda (154 ili 21,6 manje u odnosu na mart prethodne godine), od čega su 512 sa materijalnom štetom (133 ili 20,6 % manje) i 47 sa nastradalim licima (21 ili 30,9 % manje).

Tokom mjeseca marta 2020. godine u saobraćajnim nezgodama na području Kantona Sarajevo 63 lica su povrijeđena (12 ili 16 % manje), od čega 11 teže i 52 lakše. U navedenim nezgodama nije bilo poginulih lica.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC MART 2020./19. GODINE

	mart 2020.	mart 2019.	+ ,-, %
UKUPNO SAOBRAĆAJNIH NEZGODA	559	713	- 154 ili 21,6 %
Saobraćajne nezgode sa nastradalim licima	47	68	- 21 ili 30,9 %
Saobraćajne nezgode sa materijalnom štetom	512	645	- 133 ili 20,6 %
POGINULO LICA	0	2	- 2
- vozači	0	2	- 2
-putnici	0	0	----
- pješaci	0	0	-----
POVRIJEĐENO LICA	63	75	- 12 ili 16 %
- vozači	37	45	- 8 ili 17,8 %
- putnici	22	13	+ 9 ili 69,2 %
- pješaci	4	17	- 13 ili 76,5 %

U naselju je registrovana 521. saobraćajna nezgoda (46 sa povrijeđenim licima i 475 sa materijalnom štetom), van naselja 38 nezgoda (jedna sa povrijeđenim licem i 37 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU MARTU 2020 (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		9	37	475	521		11	51
van naselja			1	37	38			1
UKUPNO		9	38	512	559		11	52

Prema kategoriji puta, najveći broj saobraćajnih nezgoda registrovan je:

- na ulicama u naselju – 339 nezgoda (38 lica povrijeđeno, devet teže i 29 lakše),
- na magistralnim putevima – 79 (10 lica lakše povrijeđeno),
- na regionalnim putevima – 70 (pet lica lakše povrijeđeno),
- na lokalnim putevima – 16 (dva lica lakše povrijeđena),
- na putevima koji se ubrajaju u kategoriju ostalih – 55 saobraćajnih nezgoda (osam lica povrijeđeno, dva teže i šest lakše).

POSLJEDICE SAOBRAĆAJNIH NEZGODA

Tokom mjeseca marta 2020. godine, u saobraćajnim nezgodama na području Kantona Sarajevo povrijeđena su ukupno 63 lica (12 ili 16 % manje), od čega 11 teže i 52 lakše.

STEPEN POVREDA UČESNIKA U SAOBRAĆAJNIM NEZGODAMA

- Vozači :
37 vozača povrijeđeno (pet teže, 32 lakše)
- Putnici:
22 putnika povrijeđena (pet teže, 17 lakše)
- Pješaci:
Četiri pješaka povrijeđena (jedan teže, tri lakše)

Starosna struktura nastradalih lica u saobraćajnim nezgodama je slijedeća:

- Ispod šest godina – pet lica,
- Od 6 do 17 godina – pet,
- od 18 do 30 godina - 24,
- od 31 do 40 godina – sedam,
- od 41 do 50 godina – sedam,
- od 51 do 65 godine – devet,
- 66 i više godina – tri,
- Nepoznata starosna dob – tri lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – četiri lica,
- od 23 do 30 godina – 12,
- od 30 do 40 godina – šest,
- od 40 do 50 godina – šest,
- od 50 do 60 godina – šest,
- 60 i više godina – dva,
- Nepoznata starosna dob – jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 439 (41. lice povrijeđeno, sedam teže i 34 lakše),
- neprilagođena brzina – 114 (22 lica povrijeđena, četiri teže i 18 lakše),
- uticaj alkohola – šest (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca marta 2020. godine, policijski službenici Uprave policije MUP-a Kantona Sarajevo kontrolisali su:

- 14.593 vozila i vozača (4.722 manje),
- 2.647 lica u vozilima (2.923 manje),
- pregledali 187 vozila (24 manje) i 152 lica u tim vozilima (67 manje).

Zbog tehničke neispravnosti iz saobraćaja je isključeno 26 vozila (25 manje), 195 vozača je zatečeno da upravljaju vozilom pod dejstvom alkohola (165 manje), 313 bez korištenja sigurnosnog pojasa (61 više), 157 bez položenog vozačkog ispita (13 manje), 61 pod izrečenom zaštitnom mjerom (šest više), 298 vozača je zatečeno da koriste mobilitel tokom vožnje (12 više) i 977 vozila je učestvovalo u saobraćaju bez važeće registracije (407 više).

Zbog kršenja propisa iz oblasti sigurnosti saobraćaja uručeno je 16.495 prekršajnih naloga vozačima (2.721 manje) i podnesena 342 zahtjeva za pokretanje prekršajnog postupka (320 više).

MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca marta 2020. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručena su 5.354 prekršajna naloga (2.030 manje), upozoreno je 278 vozača (49 manje), a specijalnim vozilom "pauk" premješteno je 216 vozila (40 više).

Takođe, pješacima koji su kršili propise uručeno je 160 prekršajnih naloga (103 manje), a upozoreno je 37 pješaka (15 manje).

ZAKONITOST U RADU

Tokom mjeseca marta 2020. godine, registrovana su dva napada (jedan više) na policijske službenike MUP-a KS. Jedan napad je bio pojedinačni a jedan grupni u kojem su učestvovala dva lica. Napadači su koristili fizičku snagu i tom prilikom su dva policijska službenika lakše povrijeđena.

Tokom mjeseca marta tekuće godine registrovano je pet slučajeva (jedan više) opravdane upotrebe sile.

Tokom mjeseca marta 2020. godine, razmatrana je 31. predstavka na rad policijskih službenika.

Nakon razmatranja Odbor za žalbe građana Skupštine Kantona Sarajevo donio je zaključak da se za 13 predstavljanja (pet više) provede unutrašnja istraga, za 10 predstavljanja je odlučeno da su neosnovane, a za osam da se izvrše provjere i prikupi dokumentacija.

Od ukupno 31. razmatrane predstavljanja, 28 je podneseno od strane građana, dok tri predstavljanja predstavljaju saznanja iz službe.

Okončano je 19 unutrašnjih istraga, među kojima je osam bilo bez dovoljno dokaza, šest je neosnovanih, dvije su osnovane, dok su tri istrage okončane ocjenom oslobađajuća.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana i nevladinim organizacijama.

Osim saradnje sa brojnim institucijama policijski službenici su svakodnevno u radu sa zajednicom, osiguravali stvaranje povoljnog ambijenta za život svih kategorija stanovništva.

Među redovnim aktivnostima koje su tokom mjeseca marta 2020. godine realizovane, izdvajamo slijedeće:

U prostorijama hotela „Holiday“ održana je radionica od strane nevladine organizacije za prevenciju ovisnosti „NARKO-NE“ u sklopu projekta „Ambasadori prevencije ovisnosti“ koji za cilj ima pripremu materijala (modula i vježbi) koji bi se primjenjivao u osnovnim i školama u cilju prevencije ovisnosti djece i omladine.

- Nastavljene su aktivnosti na realizacije projekta "Jačanja tužilačkih kapaciteta u sistemu krivičnog pravosuđa u BiH"; kroz edukativnu radionicu pod nazivom "Lopov bude uvijek otkriven" u osnovnim školama na području općina Stari Grad i Hadžići u cilju prevencije vršenja krivičnih djela. Ovom programu edukacije prisustvovalo je 169 učenika.

- Nastavljene su edukativne radionice na temu: „Uklanjanje grafita - Zona bez grafita" i „Stop vršnjačkom nasilju“ kojima su prisustvovala 83 učenika osnovnih škola.

U skladu sa Naredbom Kriznog štaba Ministarstva zdravstva Kantona Sarajevo od 12.03.2020. godine kojom se zbog pandemije „Korona virusa“ obustavlja redovna nastava u osnovnim, srednjim i visokoškolskim obrazovnim ustanovama u Kantonu Sarajevo i sve aktivnosti policajaca u zajednici u obrazovnim institucijama su obustavljene, dok su gore navedene aktivnosti realizovane do donošenja navedene Naredbe.

MIGRANTI

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima boravi cca 2.951 migrant.

U mjesecu martu 2020. godine migranti su učestovali u 13 događaja sa obilježjem krivičnog djela i to:

- teška tjelesna ozljeda (čl. 172 KZ FBiH) – dva,
- krijumčarenje osoba (čl.189 KZ BiH) – jedan (u nadležnosti SIPA-e, odnosno Tužilaštva BiH),
- posjedovanje i omogućavanje uživanja opojnih droga (čl.239 KZ FBiH-a) - dva
- krađa (čl. 286 KZ FBiH) – jedan,
- teška krađa (čl. 287 KZ FBiH) – tri,
- razbojništvo (čl. 289 KZ FBiH) – jedan
- nasilničko ponašanja (čl. 362 KZ FBiH-a) - dva i
- krivotvorenje isprave (čl. 373 KZ FBiH) – jedan događaj.

Tokom mjeseca marta 2020. godine, službenici policije kontrolisali su 1.628 migranata, od čega 902 nisu posjedovali registrovani obrazac, 17 je upućeno službi za poslove sa strancima radi registracije, 52 su predana službi za poslove sa strancima, 1.297 migranata je smješteno u imigracione centre i nad šest migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 31 akcija) na području Kantona Sarajevo, u mjesecu martu 2020. godine, policijski službenici Uprave policije MUP-a Kantona Sarajevo pronašli su ukupno 670 migranta.

Kad su u pitanju pritužbe na ponašanje migranata, od ukupno 112 evidentiranih pritužbi, sedam je zbog događaja sa obilježjem krivičnog djela, 15 zbog narušavanja javnog reda i mira, sedam zbog okupljanja i 83 ostale pritužbe.

Takođe, redovno su sačinjavane informacije, procjene i analize vezane za navedenu problematiku.

Sarajevo, 10.04.2020. godine

Odjeljenje za odnose s javnošću